



Spajanje porodice

Članovi porodice osoba koje žive u Švicarskoj se mogu pod određenim okolnostima doseliti u Švicarsku. Ako rođaci ili prijatelji žele da dođu u posjetu, oni moraju u zavisnosti od zemlje porijekla, podnijeti zahtjev za turističku vizu.

Spajanje porodice

U osnovi je moguće da se članovi porodice od osoba koje već žive ovdje (najbliža rodbina ili bračni partneri) mogu preseliti u Švicarsku s ciljem spajanja porodice (Familiennachzug | Regroupement familial). Za koje članovi porodice se može podnijeti zahtjev zavisi od toga koje državljanstvo i koju vrstu dozvole boravka ima podnosilac zahtjeva. Takođe i osobe koje su privremeno prihvaćene (Ausweis F) mogu pod određenim okolnostima dovesti njihovu porodicu. Preporučljivo je da se razgovara sa stručnim osobama o zahtjevima za spajanje porodice još u ranoj fazi. Informacije pruža Služba za usluge stanovništva (ABEV | OPOP), opština prebivališta ili Kontakt centri za integraciju. Zahtjevi za spajanje porodice moraju se podnijeti Kantonalnoj službi za migraciju. Stanovnici gradova Bern, Biel i Thun podnose zahtjev gradskim vlastima. Pažnja: Za spajanje porodice mora se podnijeti zahtjev u određenom vremenskom periodu (obično u roku od 1 do 5 godina nakon doselenja). Rok je kraći za djecu nego za odrasle (npr. supružnike).

Priprema braka

Svako ko živi u Švicarskoj i želi da se vjenča osobom koja živi u inostranstvu, može za tu osobu dobiti dozvolu za boravak i to s ciljem pripreme braka (Vorbereitung der Heirat). Ova dozvola omogućava partneru ili partnerki da doputuje iz domovine u Švicarsku i da se ovdje može vjenčati. Služba za migraciju pruža informacije o potrebnim dokumentima i tačnom redoslijedu postupka.

Ulazna viza

Za stanovnike mnogih zemalja nije jednostavno dobiti vizu za ulazak u Švicarsku kako bi, na primjer, ovdje posjetili svoju rodbinu. Može se desiti da se od osoba koje ovdje žive zahtjeva pismeni poziv i/ili novčana garancija, tkz. izjava o preuzimanju obaveza (Verpflichtungserklärung | Déclaration de prise en charge). Švicarsko predstavništvo u inostranstvu odlučuje o zahtjevu i pruža informacije o potrebnim dokumentima i tačnom protoku procesa. Informacije su takođe dostupne u Službi za stanovništvo (ABEV | OPOP).



Kanton Bern
Canton de Berne

hallo-bern.ch
salut-berne.ch

Više informacija (linkovi, adrese, brošure, informacioni listovi)

www.hallo-bern.ch/hr/partnerstvo-i-djeca/spajanje-porodice

hallo-bern.ch

Informacije za dobar početak u novom mjestu stanovanja
Partnerstvo i djeca / Spajanje porodice